

NO. SOALAN: 475

**PEMBERITAHUAN PERTANYAAN BAGI JAWAB LISAN
DEWAN RAKYAT**

PERTANYAAN : BUKAN JAWAB LISAN

DARIPADA : TUAN TEO KOK SEONG [RASAH]

RUJUKAN : 10737

SOALAN :

Tuan Teo Kok Seong [Rasah] minta MENTERI DALAM NEGERI menyatakan secara terperinci mengenai :-

- (a) jumlah rakyat Malaysia yang melepaskan kewarganegaraan dan sebabnya sejak tahun 2013-2017; dan
- (b) jumlah warga negara asing yang mendapat kewarganegaraan Malaysia berdasarkan negara asal sejak tahun 2013-2017.

JAWAPAN:

Tuan Yang di-Pertua,

- (a) Berdasarkan rekod Jabatan Pendaftaran Negara (JPN), terdapat seramai 41,051 orang warganegara Malaysia yang telah melepaskan taraf kewarganegaraan Malaysia dari tahun 2013 hingga 2017. Dalam hal ini, alasan pelepasan kewarganegaraan adalah kerana mereka telah memilih untuk tidak meneruskan menjadi warganegara Malaysia dan telah memperolehi kewarganegaraan negara lain.
- (b) Dari tahun 2013 hingga 2017, terdapat seramai 18,824 orang individu telah dianugerahkan kewarganegaraan Malaysia. Dalam hal ini, tiga buah negara asal tertinggi adalah Indonesia (7,553 orang), Thailand (1,837 orang) dan India (1,834 orang).